



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Anno MDCXIII.

urn:nbn:de:hbz:466:1-42840

rui consilio : & impetrauit. Thomas à Kempis :
Qui nunc, inquit, sæpe, & deuotè passionem Domini, & lachrymas tristissimæ Matris eius affectu recogitat, & perpendit, sperare debet de misericordia DEI, & beneuolentia amborum, Matris & Filij. p.3. ser.2.

ANNO MDCXIII.

478 Singulare, inquit Confluentini Patres in annuis huius anni, illud obseruatum est ad memoriam, atque ad exaggerandam religionem erga DEI Matrem; vt quamdiu Litaniam B.V. sub vesperam sunt à discipulis decantatæ, nemo vnus ex eis, in tam inquinata malo epidemico ciuitate contingeretur: simulatque verò abesse res periculo videbatur, & ab Litaniarum cantu discessum est; illo ipso die, quo pium illud carmen desijt, discipulorum vnus letali vlcere decubuit, moxque alij duo extincti sunt, magno terrore vniuersæ iuuentutis; quo documento perculsi Litanias reuocauimus, & in annum totum protraximus; quo anno toto iuuentus vixit incolumis. B. Petrus Damians: *Tu solve quod debemus; auerte quod timemus; impetra, quod optamus, perfice quod speramus.* Lit. B. V. contra pestem adhibere. tom.4. in hymno pag. 11.

479 M. Guilhelmus Riens Græciensis, Eberspergæ hoc anno mortuus, multifariam laudatus, præter laudes alias hanc etiam habuit, quòd assiduitate mirabili orando tempus omne quod à necessarijs illi supererat ad B. Virginis aram nudatis nixus genibus summâ cum reuerentiâ religioneque traduceret. Epilepticus cum esset, omni se virtute ad mortem paratum, & domesticis amabilem faciebat. Et verò epilepsia & mors illum pretiosâ in occupatione inuenit, nempe, cum è corolla Deiparam salutaret. Honoremus illam quàm maximâ possumus profundissimæ humilitatis demissione, quæ, Nudatis corâ B. V. ara genibus orare. to.2. orat. de laud. B. V.

S. Epiphanio teste, à DEO, in honore est habita, quæ est thronus diuinitatis, inexplicabile paradisi monile.

Imagini-
bus pro-
pagare
cultu B. V.

480. P. Ioannes David 9. Augusti anni huius Antuerpiæ pijsimè vitâ functus pro religioso suo ingenio excogitauit ad cultum Virginis prouehendum imagines 50. æri eleganter incisas quibus ille 50. Beatissimæ Virginis elogia seu titulos, adiectâ quoque ad singulas imagines prolixâ ad Virginem allocutione, explicuit, & librum Antuerpiæ anno 1607. edidit nomine Pancarpij Mariani. Amant procaces oculi propudiosas imagines; casti, castas. Valent hæc industriæ ad oculos recreandos, & mentem gloriosis Deiparæ titulis imbuendam pro ægris & sanis; & sunt hami instar ad animos capiendos. Nam & S. Epiphanius illam in hunc modum salutat: *Aue hami esca spiritualis.*

10. 2. orat.
de laud.
B. V.

In morbo
ad B. V.
recurrere.

481. De celebri quapiam B. V. imagine in morbo colendâ, à nostris Antuerpiâ hoc anno in hunc modum perscriptum est: Beatiss. Virg. Aspri collina fratris nostri diuis tetrici morbi cruciatibus confictati votis sollicitata, eum de repente persanauit, in quem summa medicorum ars suam vim omnem frustra exprompserat. Ei ad stranguriæ cruentique vomitus, & laterum acerrimos dolores, accesserant atrocissima frequentium conuulsionum cruciamenta, vt ex copia fatidi puris ab ore manantis & intolerabili immanium dolorum carnificina, medici conijcerent, ei omnia viscera foedis abscessibus, aut gangrenæ pestibus, tabida frustillatim decidere: vnde nulla vis humana eum ad vllam spem sanitatis vnquam excitaret. Hoc acrius ager, & confidentius animum erexit ad immortalium patronorum exoranda subsidia: sed nominatim magnæ Matris Aspri collinæ: cui, bonâ praesidinm ventâ, cum

cum vota nunc passet, è vestigio conlanuit. De
 cuius morbo & sanatione iurati medici scripto suo
 & chirographo deinde responderunt: gravitatem,
 multiplicis mali eam fuisse, cuius efficiendæ sana-
 tionis, non repentinæ modò, sed cuiuscunque, ars
 nulla humana par esse potuerit. **MARIAM** è S. Epi-
 phanio interpretari solemus. *Dominam, atque etiam*
spem. Ibidem eam *gloriam radicis fundatum, & glo-*
rie radicem appellat. Non aliâ, utinam è radice cre-
 scant gloriæ nostræ flores, & fructus quam ex hac.
 sic enim erunt solidi.

*t. 2. orat de
 laudib. S.
 Mar.*

482. Hoc etiam anno nunciant literæ, Vallisole-
 tanorum sociorum unum repente conualuisse, im-
 ploratâ DEI Matris ope, & eius sacri Conceptus
 imagine capiti adhibitâ, cum antea salutem ipsius
 medici conclamassent. Sæpè supremum iur. despe-
 ratas rebus, remedium est in illa quæ genuit **CHRIS-
 TUM** medicinarum omnibus salutarium largitorem. Ille
 enim ex illa carnem idè assumpsit, ut quemadmo-
 dum loquitur S. Gregorius Thaumaturgus, *Dei*
cum hominibus societas contrahatur.

*S. Sabbar
 in Menais
 3. Ian.*

*ser. 2. in
 Annunc.
 B.V.*

483. Etiam in yfiritatis aliâs Deip. colenda mo-
 dis perficiendis innabit nouam aliquando indu-
 striam adhibere. Hoc anno Lugduni prodijt. t. 2.
 operum P. Iacobi Alvarez: cuius lib. 3. a pag. 966.
 agit de P. salterio Virginis, suadetque ut ad finem
 cuiusque denarij seu decadis, mysterium aliquod
 vitæ B. Virginis meditemur. item hortatur ad fa-
 ciendam in fine singulorum denariorum, mysterij
 correspondentis memoriam, & ad aliquem sanctum
 affectum concipiendum. Rem ad longum vide ibi.

*Inuenire
 pius modos
 recitandi
 psalteriũ
 B.V.*

484. Idem ibidem c. 5. suggerens ut à B. V. mo-
 re pauperum aliquid mendicatio peramus, sic loqui-
 tur: *Crede mihi, frater, in hoc exercitio magna*
est.

*Mendica-
 re à B.V.*

est utilitas, & sub hac simplicitate verborum ingens
 latet fructus. Nam benigna Mater nostra, occasio-
 nes querit ditandi nos, & ad magnam virtutem,
 prouehendi. Est etiam illi magna exercendæ libe-
 ralitatis occasio, si quotidie vt pauperes, & egeni in
 conspectu eius appareamus, & miseras nostras ape-
 rientes, dona fiducialiter postulemus. Ita ille. Vt
 ergo magnum hoc bonum assequamur, iisdem pro-
 pè quibus ille vtitur verbis, id quod docet simplici
 ad B.V. orandi formulæ illigabo, magni enim pon-
 ponderis esse debet, quod adeò commendatur, à vi-
 ro tantæ sapientiæ, ac virtutis. Ergo sic ad oran-
 dum hortatur. Tu igitur qui sanctæ Virginis amo-
 re teneris, & erga eam gratitudinis affectu tange-
 ris, in aliqua hora vespere aut noctis intra cubicu-
 lum mentis tuæ: & clauso ostio omnibus terrenis
 & curis, & cogitationibus, ora Matrem tuam, &
 ipsa quæ videt in abscondito reddet tibi. Proinde
 sic ora: *MARIA DEI Mater sanctissima, purissima, pru-
 dentissima, Regina Angelorum, imperatrix hominum,
 Domina omnium creaturarum, Mater DEI verissima, Ma-
 ter peccatorum, misericordissima, dignare videre miseras
 meas, meam paupertatem, nuditatem, infirmitatem, pusil-
 lanimitatem, vulnera, plagas meas aspice ad miserationem.
 Gaudeo de bonis tuis, quod sis electa in Matrem DEI, ab
 omni etiam peccato præseruata, tot virtutibus, tot donis
 & prerogatiuis, tot diuinis reuelationibus, & consolatio-
 nibus affecta, & super choros Angelorum exaltata. Im-
 petra mihi, Mater misericordie, à Filio tuo. 1. singu-
 larem affectum deuotionis erga te; vt te in Dominam &
 Matrem habeam, & tu me seruum filiumque agnoscas.
 2. Impetra mihi plenam remissionem peccatorum om-
 nium, verissimam eorum detestationem, dignos in hac vita
 penitentia fructus; & vt satisfacere pro eis dignè pose-
 sim.*

fin. 3. Magnum spiritum mortificationis iudicij, & voluntatis, sensuum & passionum, elongationem intellectu & affectu ab omnibus creaturis, & victoriam tentationum à mundo, à diabolo, à carne provenientium. 4. Augmentum fidei, certam spem, perfectam charitatem, veram in DEI voluntatem resignationem, mentis serenitatem, & pro receptis à DEO beneficijs gratitudinem. 5. Feruorem in diuinis obsequijs, rectitudinem intentionis, & in omnibus circumspectionem. 6. Donum orationis, donum habende semper presentie diuine, obedientia ad superiores, affabilitatem, & mansuetudinem ad fratres. 7. Magnanimitatem, patientiam in aduersis, mansuetudinem in iniurijs, constantiam in propositis adimplendis. 8. Paupertatem, castitatem, humilitatem: atque eius comites inseparabiles, modestiam, & silentium. 9. Ut talentis mihi à Domino datis Domino famule, redantque semper in gloriam DEI proximorumque salutem. 10. Ut reuerenter, deuotè, & fructuose sacrum Missæ sacrificium celebrem, vel ad sacram communionem accedam: ut eo ministerio occuper in quo Domino acceptior sum futurus: & ut auxilium efficax consequar ad bene satisfaciendum huic muneri in quo nunc occupor. III. Impetra mihi perseuerantia donum, felicemque & sanctam mortem, & auxilium in tremendo iudicio. Hæc è documentis Patris Aluarez.

485 Hoc item anno Neapoli lucem aspexit Petri Antonij Spinelli MARIA Deipara thronus DEI: ubi DEI erga Deiparam, & huius erga nos beneficia, eius festa, imagines, miracula, templa, clientes, B. V. studiosi late ponuntur. Quod ad praxim spectat est eius imitatio. cap. 38. ponit obsequia in Virginis Deiparæ honorem exhibenda. Ea trifariam partitur, 1. sunt sacra & preces. 2. Mortificationes internæ & externæ, 3. opera misericordiæ corp.

Documenta de cultu B. Virginis decerpere.

corp. & spiritualis, Praxis precum est: Illam laudare; vitam illius meditari; opem eius exposcere; Deo nostra per illam offerre: cum S. Eleazario meditationi *Aue MARIA*, præmittere ad benè meditando; sacra de B. Virgine celebrare, curare, audire, statis horis vel alijs temporibus certas illi preces offerre: officium illius, Litanias, coronam, recitare; eius templa adire. Notandum tamen, vt hæc fiant corde mundo; deinde attentè atque constanter id agendum, nisi per obedientiam non possimus. A lingua lapsu aliquo *Aue MARIA* recitare. Ibid. ex reuelatione S. Brigittæ ipsius CHRISTI verbis ita id suadet: Si aliquis subito motu vel irâ, obloquitur alteri, statim cum fieri potest quærat is locum aptum legendo vnum *Aue MARIA*; à DEO indulgentiam postulando. Ibid. postquam 45. *Aue MARIA* B. Virgini recitatum à S. Gertrude laudasset, idque per Annunciationis octauam quotidie faciendum suassisset, in honorem IESU paruuli in B. Virginis utero latentis; addit, in honorem B. Virginis paruulæ per octauam B. Virginis natæ, quotidie 35. *Aue MARIA* dicendum; idque S. Gertrudi reuelatum esse quod Deiparæ sit gratissimum. Tum addit aliam eisdem S. Gertrudi factam reuelationem, è libro illius 4. c. 55. B. Gertrudis, inquit, obtulit B. V. 150. *Aue MARIA* recitans, vt in hora mortis maternâ sibi pietate dignaretur adesse: & ecce omnia verba quæ legerat, videbantur in specie aureorum denariorum ante consistorium præsentari, & ab ipso CHRISTO Matri suæ commendari. Quæ Mater pia suscipiens; quasi dispensatrix fidelissima, singillatim disponebat in profectum, & solatium animæ eius: diligentissimâ curâ providens, vt dum egrederetur è seculo, pro singulis sibi oblatis, speciales consolationes, & tuta

Linguam
per B. V.
emendare.

Annunc.
B. V.

Pro felici
morte illâ
variè con-
tere.

Detur
in de
in B. V.
ab alijs
relegere

tuta subsidia apud districtum Iudicem ipsi obtine-
ret: intellexitque quod dum aliquis finem vi-
sue alicuius Sactorum specialibus orationibus com-
mendat, statim orationes illae deferuntur ante tri-
bunal Iudicis; & ille Sanctus cui committuntur,
constituitur à DEO aduocatus super eas, vt ex ijs
bona prouideat sibi deuotis tempore opportuno.

486 Ibidem pag. 597. Is, inquit, qui B. Virgi-
nis deuotionem amplecti cupit, semel quasi solen-
niter coram celebri quapiam B.V. se statuat præsen-
tibus Angelis, Sanctis, Sancto sui nominis, & Vr-
bis, &c. semetipsum ei offerat, gratuletur, diligere
ac imitari illam proponat: videat in quibus eam
imitabitur, quae obsequia deferet, &c.

487 Vlyssiponenses literæ ferunt, nauem Indi-
cã ad bonæ spei promontorium plenã periculi
tempestate iactatam, nuncupato ad B. V. de Fine di-
ctam voto, velut cælesti manu ductam portum re-
nuisse. Cùmque voti solutionem dissimulanter ij
qui vouerant negligenter, Noster, inquit, vnum-
quemque adire, aurem vellere, insimulare voti dam-
natos, donec collatis symbolis lychnus aureorum
ducentorum & quinquaginta conflatus est, & B.V.
dedicatus. Vide in Annalibus Ecclesiasticis Dei-
paræ ope mare fugiens; & eiusdem clientem à tem-
pestatis timore ab illa liberatum. Nostrum verò
est vt ijs qui B.V. honori vota nuncupauere, auto-
res simus vt ea exequantur, gratique sint pro ijs
quæ à DEO per Virginem acceperunt. Ita ipsa
Virgo gratias DEO egit pro ijs quibus ab eo se or-
natam vidit, quando, Beda ita dicente, MARIA the-
saurum celi quem in corde seruabat aperuit: ait ergò:
Magnificat!

B. Virgini
se offerre
coram Sanctis
Hic.

Vrgere
vota in B.
V. hono-
rem conce-
pta, vt ex-
oluantur &

Baron. to.
9 pag. 131
a & post
Baron. an-
no 1219.
n. 21.

10. 7. homi-
in visit.
B.V.